

Zeitschrift: L'ami du patois : trimestriel romand
Band: 22 (1994)
Heft: 88

Artikel: Editorial : bon dzoua dè boun'an
Autor: [s.n.]
DOI: <https://doi.org/10.5169/seals-243277>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>

EDITORIAL



Bon dzoua dè boun'an

Mè chinbyè ke po le dêri numéro dè ch'ti yan (1994) mè fq vo chouatå in patè na bala fitha dè tsalandè chyévy a d'on boun'an.



koué ke chè, i pu dre ke no pyin rémarhå le Bon Dyu dè no pré-jêrvå dè tan dè måleu.

Ou momin yo k'ékrijo chin, la on piti chélâ dè novembre ke breyè chu lè prå ke chon rechtå tan bi vê. On chè krérè prechkc ou mi dè må. Ma kan chu arouvå pri dè mon rûché, mè chu apêchu ke lè j'å, là, chintant ke lè décenibre ke va arouvå è på lc mi d'avri !

Galé j'ami, vo travérè din chi numéro on papê vê, ke vo rèchdrê avu bou n'imieu...Difichilo dè férc bouna mina kan on vo démandè kotyè fran ? Voué, vo konprin'yo, kan lè po di j'aférc k'on nc konyè på !

Ch'ti yan, mogrå le chômage, prou dè j'aférc l'an intseri ! Lè pouchtè avu lc novi impou, la "T.V.A." m'akroutson, puchkc mè fudrè payi otyè pyc tchyè po vo j'invouyi nouhron bulletin. Ma y åmo mi gânyi dutrè fran dè min è vo vouêrdå kemin abonå à l'AMI dou Patê, po lc mime pri tyè dévan : dji fran ! lè på tchê, adon k'ou kabarè vo ji på mè tan dè j'aférc po dyi fran ! E ou magajin ? l'êrdzin y vôlè...

Lè j'on mè dyon ke l'an på mè lc tin dè yêrc...di j'otrô...ke lou fô kontå tantyè y centime...Ma vo, vo derê : Y chabro abonå à l'AMI DOU PATE, pêchk'åmo chi lingådzo, kc dévejo adi bin, ke mon chénya chuto la mantinyè in famiye. **E pu achebin po vouêrdå le patê. Dre k'on l'åmè è rin sêre po le mantinyi, vô adon a tan chè thiji !!**

Kemin lè le dêri kou k'arouvo vêr vo po ch'ti yan nc vu på oubiyå dè vou chouêtå on bou n'an. På tan dè j'aférc, ma on ke kontè: LA CHINDÅ. Fô ihrc jou malådo, oubin vivrc avu là po

n'in kon-prindre le pri ! Ch'on'a la chindå, ma pou d'ardzin, lè j'afére y van adi...Ma ch'on'a la bochèta bin garnya ma la maladi, rin mé nc va!

Adon, dè ma på ditè à hou kc mankon dè chindå, dè prindre korådzo, la ravoua virè è fo moujå kc déman oudrè mi tyè vouè...E pu fâ rin dè mo, ou kontréro, dè chè rèkemandå ou Bon Dyu, à Nouhra Dona, dè no vinyi in éde...Chin ihe "bigo" fô rèkonyèhre kc krère dè hou kc chon pyc hô tyè no, poron sére otyè, lè på on mô, ou kontréro lè chavi rèkonyèhre k'on a chovin sôta di pyc gro tyè no po no teri d'afére. Kemin chovin kan di pyc piti achebin. Lè på lè gro kc fan to. Ne vu på vo j'in'oyi pyc grantin. Vo rè dyo : Mêrci po vouhra fidélitå è bi è bon dzoua dè boun'an chiévu di trè thin chuchantè thintchymo...j'ôtro.

In rè yajin mon écri, i vèyo ke les oubyå dè dre on grô merci à ti hou ke m'an invouyi di j'adrèthè dè hou k'âméran rechièdre "L'Ami dou patê". Gran MERCI avu tota ma rèkonyechanthe po vouhra colaborachyon.

*Joyeux Noël
et Bonne Année*

*à tous nos abonnés, amis, connais-
sances et sympathisants, sans oublier
nos chers malades, comme tous ceux
qui sont dans l'épreuve.*

